

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

# Khutba Jummah

HADHRAT MUHYI-UD-DIN AL-KHALIFATULLAH

*Munir Ahmad Azim*

09 Février 2018

(22 Jamad'ul Awwal 1439 AH)

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor: « *La Miséricorde* ».

## LA MISÉRICORDE

Dans l'islam, la miséricorde implique la crainte d'Allah Ta'ala. Parski c'est avec sa crainte d'Allah Ta'ala là ki tous bane degrés élevé, tous bane tourments dissipé, tout le mal avec l'influence de Satan repoussé. D'après bane versets Quran et plusieurs Hadiths, li clair ki la vie lor sa la terre là li bâti lor bane bases et bane principes ki créer le bonheur et ki encourage bane créatures pou aide zot camarades, armé avant tout avec la miséricorde.

En vérité, la miséricorde li ene grand qualité ki Allah Ta'ala fine donne à bane bienheureux et fine prive le malheureux de sa. La miséricorde li implanté dans le cœur de sak créature mais c'est à sa créature là pou conné couma pou conserve sa miséricorde là pour l'amour d'Allah Ta'ala.

Rapporté dans Bukhari Shareef, d'après Hazrat Abu Hurairah (ra), le Saint Prophète Muhammad (saws) fine dire: « *Allah Ta'ala ena en So possession 100*

***(parties de) miséricordes. Li fine déssane lor la terre seulement ene sel partie avec quoi bane créatures capave témoigne mutuellement de la compassion, et Allah Ta'ala fine garde 99 miséricordes (avec Li) pour distribuer le Jour du Jugement ... » Alhamdulillah!***

La miséricorde faire partie de bane pli zoli qualités d'Allah Ta'ala. Kot nous, bane créatures d'Allah Ta'ala, la miséricorde li ene qualité de perfection. Avec la miséricorde, bane créatures ressenti de la tendresse les z'uns envers les autres. Celui ki fort ena pitié pour celui ki faible. Sa c'est la miséricorde. Celui ki riche pas hésiter zamais pou vine en aide à bane pauvres, à bane démunis, à bane nécessiteux. C'est de la miséricorde ki li manifester. Parmi nous (bane Musulmans) de l'*Ummah*, la miséricorde li même ene obligation tant au niveau de la famille ki de la société. Et sa faire plaisir à Allah Ta'ala Qui envoie alors So bane bénédictions lor bane qui accorde de la miséricorde (à bane les autres) dans zot préoccupations de tous les jours.

La miséricorde li ene cadeau d'Allah Ta'ala ki trouve ancrée dans lé corps de sak être humain. Mais, certains laisse sa cadeau d'Allah Ta'ala là coumsa même, sans servi li, kot zot pas comprend so l'importance et valeur spirituelle. Surtout ki dimoune laisse li facilement influencer par Satan, et commette alors bane péchés, les z'uns pli graves ki les autres, kot ainsi zot laisse sa grand spiritualité, c'est-à-dire, la miséricorde faufile aller. Zot alle perdi sa bénédiction là.

Parmi bane croyants de l'*Ummah*, la miséricorde li ene élément sacré, ene don d'Allah, ene élément précieux. L'Islam fine ordonne bane musulmans pou être miséricordieux parski l'Islam même li ene religion de la miséricorde. De même ki bane l'enseignements de l'Islam fine déssane pour répanne le bien partout, pour répanne la justice, pou répanne la bonté, la tranquillité, la vérité, la paix, et pou ki nous adore Allah Ta'ala sans limite, sans tchik-tchiké. La miséricorde donne l'occasion aussi pou faire disparaître tout saki fausse et tout saki mal, mauvais, méchant. Allah Ta'ala fine dire à So Messenger, le Saint Prophète Muhammad (saws) : **« Nous fine envoie toi seulement comme ene miséricorde à bane habitants de sa le monde là »**. (Al-Anbiya 21: 108).

D'après Abdullah Ibn 'Amr, le Messenger d'Allah (saws) fine dire : **« Le Miséricordieux (c'est-à-dire, Allah) ena miséricorde à bane ki miséricordieux; (alors) ena miséricorde à bane ki lor la terre, (et) alors Celui Qui dans les ciels pou ena miséricorde (pitié) pou zot. »** (Tirmidhi).

Ene l'autre explication du Saint Prophète Muhammad (saws) d'après Jarir Ibn Abdallah, couma fine rapporté dans Hadiths Bukhari et Muslim: **« Allah pas faire miséricorde à celui ki pas ena pitié pour bane dimounes. »** De plus, celui ki pas pardonne les autres, zamais Allah pas pou pardonne li. L'exemple de bane croyants dans zot l'amitié, dans zot l'affection, dans zot compassion, zot sincérité, zot honnêteté, dans zot l'esprit pou aide les autres, et dans zot sympathie li couma ene lé corps. Si ene membre de sa lé corps là souffert, tout lé corps là en entier pou souffert.

Même bane ti zenfants, bane bébés, demande pitié, demande miséricorde de la part de zot bane aînés. Quant à bane personnes âgées, bane faibles, bane malades, la miséricorde bizin être doublée, triplée, voire même, li bizin illimité. Dans ene Hadith rapporté par Tirmidhi, le Saint Prophète Muhammad (saws) fine dire: **« Li pas faire partie de mo Ummah, celui ki pas respecter ene dimoune âgé, celui ki pas ena pitié (miséricorde) envers bane petits, ki pas prescrire le bien dans so la vie quotidien, et ki surtout pas interdit le mal, la méchanceté, la tyrannie, l'orgueil, la corruption et bane les autres mal de la société ».**

Hazrat Ummul Mumineen Aisha (ra) fine raconte ene anecdote relative à la miséricorde ki li fine vive avec le Saint Prophète (saws). Li raconter : **« Ene Bédouin fine vine guette le Messager d'Allah et fine dire li : « Ou embrasse bane zenfants, mais nous, nous faire sa zis rarement ou presque même zamais. »** Le Saint Prophète (saws) fine réponde li : **« Ki mo capave faire pour toi si Allah Ta'ala fine enlève la miséricorde de to lé cœur? »** (Bukhari).

### **LANGAGE DE BANE ZANIMO**

Même bane zanimo, voire même la nature, fine recevoir la miséricorde de la part d'Allah Ta'ala. Kifaire sa ? L'Islam li en effet la religion de la miséricorde, de la justice, de la paix. L'Islam fine surtout ordonne à bane musulmans pou être miséricordieux (envers les autres - dans zot comportement même).

Abdallah Ibn Jaafar fine rapporté : **« Le Messager d'Allah Ta'ala fine rentre dans ene jardin bien clôturé ki appartenir à ene missié parmi bane Ansaars, kot ti ena ene chameau. Quant sa zanimo là fine trouve le Saint Prophète, li fine commence verse larmes et gémir avec douleur. Le Messager d'Allah fine empresse li pou vine près kot sa zanimo ki malheureux là; li fine essuye so larmes, fine caresse li avec tendresse. Et alors chameau là fine arrête gémir et**

*fine montrer bane signes de contentement. Le Saint Prophète (saws) fine demandé ki sanlà propriétaire de sa zanimo là ? Ene jeune homme de bane Ansaars fine réponne ki c'est li ki propriétaire là. Le Saint Prophète (saws) fine dire li : « Eski to pas peur Allah Ta'ala à propos de sa zanimo là ? Li manque l'affection, l'amour et pitié (miséricorde) de to part. C'est pour sa ki li fine plainner (plaigne so misère) avec moi et li fine pleuré. » (Ahmad).*

Allah ti accorde sa don là au Saint Prophète (saws) pour comprend le langage de sa chameau là pareil couma Li ti enseigne langage de bane z'oiseaux à So prophète, Hazrat Suleiman.

Dans ene l'autre l'occasion, le Saint Prophète (saws) fine dire : « **N'importe ki sanlà ki touye ene z'oiseau sans ene raison valable, alors li pou plainné avec Allah Ta'ala le jour du Jugement en disant** : « O Allah ! Intel fine torture moi, fine blesse moi, (et) fine même touye moi sans ene raison valable, sans montrer le plus petit signe de miséricorde envers moi... ». Alors mazer ki kalité punition Allah Ta'ala pou donne sa qualité dimoune là à sa moment là.

L'Islam prescrire la droiture même envers bane non-croyants. Quand li agir de sa façon là, ene musulman li démontrer la miséricorde, et sa faire Allah Ta'ala grand plaisir.

### **ANOU RÉAGIR**

L'époque ki nous pé vive, mo bane frères et sœurs de l'Islam, donne l'impression ki la miséricorde népli faire partie de vocabulaire d'ene musulman. Nous (bane musulmans) de l'*Ummah*, nous dans l'obligation pou démontrer la miséricorde dans sak l'étape de nous la vie, envers n'importe qui que ce soit. Même envers celui ki traite nous, ki traite ou couma ene pire ennemi. Au contraire, l'Islam recommande montrer la compassion et demande ou pou faire *duahs* avec Allah Ta'ala pour ki Li accorde So bane bénédictions envers sa bane dimoune ki pé faire du mal là, dans l'espoir *Insha-Allah* ki zot réformer.

Dans l'époque présent ki nous pé vivre lor sa la terre là, l'humanité bizin bane principes élevé de l'Islam, et c'est à nous pou faire z'effort nécessaire afin pou faire revivre bane vrais l'enseignements divines/ islamiques afin ki l'humanité, et l'*Ummah* du Saint Prophète de l'Islam (saws) retrouve enfin la paix ki nous tous pé rodé. *Insha-Allah, Ameen.*